

Član 15.

(Osiguranje uslova za vođenje Registra)

Rukovodilac organa javnog sektora iz člana 2. ove odluke odgovoran je za osiguranje potrebnih kadrovskih i tehničkih uslova za unos podataka u Registar.

DIO ČETVRTI - PRIJELAZNE I ZAVRŠNE ODREDE

Član 16.

(Nadzor nad primjenom Odluke)

- (1) Odredbe ove odluke obavezno se primjenjuju na sve organe javnog sektora iz člana 2. ove odluke.
- (2) Nepostupanje po odredbama ove odluke predstavlja težu povredu službene dužnosti, odnosno težu povredu radne obaveze i kao takvo je osnov za pokretanje postupka utvrđivanja odgovornosti i poduzimanje mjera od strane rukovodioca organa iz člana 2. ove odluke ili Vlade Kantona Sarajevo kao predstavnika osnivača organa javnog sektora.
- (3) Nadzor nad primjenom ove odluke vrši Ured.

Član 17.

(Stupanje na snagu Odluke)

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2023. godine.

Broj 02-04-4108-7/22

17. februara 2022. godine
Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 10. stav (3) Zakona o osnovnom odgoju i obrazovanju ("Službene novine Kantona Sarajevo", broj 23/17, 33/17, 30/19, 34/20 i 33/21), Vlada Kantona Sarajevo, na 66. sjednici održanoj 24.02.2022. godine, donijela je

ODLUKU

**O IZMJENI ODLUKE O PEDAGOŠKIM
STANDARDIMA I OPĆIM NORMATIVIMA ZA
OSNOVNI ODGOJ I OBRAZOVANJE I NORMATIVIMA
RADNOG PROSTORA, OPREME, NASTAVNIH
SREDSTAVA I UČILA PO PREDMETIMA ZA
OSNOVNU ŠKOLU**

I

U Odluci o Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu ("Službene novine Kantona Sarajevo", broj 30/18), u poglavlju 4., tačka 4.1.13., fusnota ^{6m} mijenja se i glasi:

"⁶Odnosi se na predmete: informatika i tehnička kultura."

II

Ovaj akt stupa na snagu danom donošenja, a primjenjivat će se od dana objave u "Službenim novinama Kantona Sarajevo".

Broj 02-04-5574-24/22
24. februara 2022. godine
SarajevoPo ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Zakona o

izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), člana 7. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21) i Odluke o preraspodjeli sredstava u Budžetu Kantona Sarajevo za 2022. godinu za budžetskog korisnika Kabinet predsjedavajućeg i zamjenika predsjedavajućeg Skupštine Kantona Sarajevo, broj 08-11-3011/22 od 15.02.2022. godine, Vlada Kantona Sarajevo, na 66. sjednici održanoj 24.02.2022. godine, donijela je

ODLUKU

**O USVAJANJU PROGRAMA UTROŠKA SREDSTAVA
TEKUĆIH TRANSFERA UTVRĐENIH BUDŽETOM
KANTONA SARAJEVO ZA 2022. GODINU KABINETA
PREDSJEDAVALJUĆEG I ZAMJENIKA
PREDSJEDAVALJUĆEG SKUPŠTINE KANTONA
SARAJEVO**

I

Usvaja se Program utroška sredstava sa pozicije Tekući transferi - ekonomski kod 614000 za:

- a) "Tekući transferi pojedincima" - ekonomski kod 614200, funkcija 011F
- b) "Projekti održivog povratka u RS" - ekonomski kod 614200, funkcija 011F
- c) "Tekući transferi neprofitnim organizacijama" - ekonomski kod 614300, funkcija 011F.

utvrđenih Budžetom Kantona Sarajevo za 2022. godinu, razdjel 10, glava 03 - ("Službene novine Kantona Sarajevo", broj 5/22).

Program utroška sredstava iz ove tačke čini sastavni dio ove odluke - Obrazac Anex I.

II

Sredstva utvrđena u Programu iz tačke I ove odluke raspoređena su prema kriterijima za raspodjelu sredstava po tekućim transferima utvrđenim za svaki transfer posebno.

III

Kabinet predsjedavajućeg i zamjenika predsjedavajućeg Skupštine Kantona Sarajevo će pratiti namjenski utrošak sredstava iz tačke I ove odluke.

IV

Kabinet predsjedavajućeg i zamjenika predsjedavajućeg Skupštine Kantona Sarajevo podnosiće izvještaj o utrošenim sredstvima Ministarstvu finansija Kantona Sarajevo, u skladu sa Zakonom o izvršavanju Budžeta Kantona Sarajevo za 2022. godinu.

V

Za realizaciju ove odluke zadužuje se Kabinet predsjedavajućeg i zamjenika predsjedavajućeg Skupštine Kantona Sarajevo i Ministarstvo finansija Kantona Sarajevo, svako u okviru svoje nadležnosti.

VI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-5574-49/22
24. februara 2022. godine
SarajevoPo ovlaštenju premijera
Ministar
Davor Čičić, s. r.